


廣德州志

卷十四之卷十六



廣德州志卷十四

營建志 寺觀

寺觀

青牛西度白馬東來寺觀繁興由此昉矣州之古廟無過祠山而梵宇敕建者唐宋時凡十數處窮山曠野瓢笠所至輒據有之間出名僧著於碑版摩搨所及頗資考証茲並錄其文亦求禮於野之意也然環四境計之佛廬幾於櫛比楊志所列百餘猶謂緇流棲憩之所概不具載而慨然於持鉢衲子多於隴上

廣德州志

卷十四

寺觀

一

耕夫蓋其俗尚鬼神又好佞佛故也僧多吳興人占腴田傭耕自食叩以寺之創修始末茫無以應舊志但書某寺在某處非盡訪求不力殆亦因闕黎罕遇耳

天壽寺一名開化寺在州治東唐天祐間法苑禪師建原名通天寺宋太平興國五年賜額明洪武中重修嘉靖間設僧正司於此

參明一統志南畿志通志

其寶塔飛簷爲岳武穆

所焚蓋金人竊據時恐其登窺虛實故也萬曆三十五年知州何鳳起募民重修馮夢禎記歷七十餘年飛簷

復傾康熙七年知州楊苞捐募重修僧寶臻募建大殿

岑鶴記參萬曆志乾隆三十七年知州恒豫州判左宜

重修四十三年知州石應璋又修志已燬今重建三間

新纂

明馮夢禎開化寺重修寶塔記畧桐州治東開化寺蓋古刹也建於唐天祐間而塔莫知所從第於巔石觀其記載乃知是塔始於崇甯元年其肇創者宋榮宋宗而襄成者施仁也至圯壞則共傳岳武穆禦金兀術於廣德飛矢火之而要未有據也迄今五百年於茲未有能新之者獨何侯號近邾諱鳳起湖廣蘄水縣人舉甲戌進士第補桐土任葺文廟復學田諸凡倉廩橋梁祠宇壇社或因遺址而飭新之或因侵沒稽志而整頓之勿避豪貴勿受人言且建遊豫樓以省民建思過堂以自省無非殷殷為國意至塔之修舉尤甚注念會生員施

廣德州志

卷十四

寺觀

從廣陳堯言施從策條呈便宜甫當意捐俸百兩為屬士民倡桐士民踴躍從之鳩工聚材不期年而告成屬予記萬曆三十年三月初七日起造是年八月中秋日成支費共一千餘按簿則生員陳堯言施從策督造則耆民劉灌劉應瑞盛廷敷三十一聘司帑會計出入則僧正司僧廣經皆大明萬曆三十一年癸卯六月賜進士第朝列大夫南京國子監祭酒前掌翰林院事嘉禾馮夢禎撰文郡人夏良心李得陽同書丹管九臯甯瑞馮同篆額

國朝岑鶴重建天壽寺並寶塔記畧廣德州城有天壽寺建自唐之天祐寺內有塔始於宋之崇甯其來久矣逮武穆六捷時塔之層簷燬於飛矢百年以來雲霄壯麗等於飄瓦後郡牧近邾何公爰為修葺稍復舊觀七十餘年毋論塔旣丹剝落寺亦為敗壁頽垣矣住持大

師諱實臻號庵舟者發大願力欲重修塔刺史竹如楊公亦銳意軫修給單總甲保正募化得八百餘金重新浮圖數月之間七級巍峩九盤煜曜剩有三百餘金復謀修大殿楊公首捐貲三百金師志益堅多方拮据

佛殿聖像山門禪堂煥然一新且購田伍拾畝為香燈  
食用之資給禪堂僧眾以垂久遠遂使丈六金身蔭法  
雲於天際蒙塵鷲嶺耀慧日於康衢厥功偉矣不獨此  
也又築星橋以通利涉構禪堂於東門購田百畝齋僧  
施茶賑疲濟困放生池於靜室購田百畝徒子法孫  
膳生廣慈種種善事無不殫心竭力况佛殿浮圖雖費  
金六百餘又奚惜哉因拜手為記吏部  
觀政進士岑鶴撰廣德舉人陳哲書丹

**案**此寺今為祝

聖演禮之所一統志寺觀首此謂洪武中重建又有竹山  
鎖山東泉及建平開法四寺昭德宮元妙存真迎仙  
及建平白鶴五觀南畿志寺觀二十五所通志亦三  
十餘蓋皆其著名者也州縣志所載不可勝計矣

廣德州志

卷十四

寺觀

聖感寺在州治東南隅唐天祐中法苑禪師建宋太平興

國五年賜額歲久傾圮萬曆二十一年知州段猷顯倡

募重建康熙二十年知州門可榮修建參萬曆志久之又

圮乾隆八年知州羅儀募修有記胡志已燬存屋數間新纂

**聖感寺碑記**

州治東南隅有古刹聖感寺始唐天祐尚

書潘公施袈裟地為法苑禪師所建宋太平興國五年

賜額安國寺自元迄明傾圮幾盡時有無念師誓志鼎

修募木於南山之南搬運維艱夜半忽大雨雷電晦冥

洪濤中見雙鯉導流十八僧人運木至寺前重煥殿宇

郡侯徐公異其事請於朝敕賜聖感寺其名有自來矣  
萬曆二十一年郡侯段公修之於前康熙十九年郡侯  
門公復修於後今又幾百年矣棟朽椽裂乾隆八年郡  
侯羅公給募重修鄉耆護法捐貲寺僧叩募檀越共襄  
勝舉今已告竣佛相重光應將樂輸姓氏勒石垂久賜

進士出身誥授奉直大夫知江南直隸廣德州事會稽羅儀立

圓通閣萬厯志在州治西跨街而成案今在街南南偏有

僧房案明景泰間知州鄭賢修後圯知州鍾振重建有

記乾隆初年州人戈于岐濮陽緒捐田七畝僧心安記

三十八年燬四十七年州守石應璋命僧融璽勸募重

建五十三年州守胡文銓捐葺山門庠生方汝甯甯記胡志

現存殿屋三間又廟前店基三間新纂

明濮陽傳重建圓通閣記署郡治西百步許舊有圓通閣釋子以奉彼所謂觀音大士者也與東佑聖閣南三峯樓相鼎峙葺於景泰庚午鄭侯賢歷百二十年值今庚午合浦瀾石鍾侯振以名甲第來守興革利弊士庶

廣德州志

卷十四

寺觀

四

悅服顧是閣關郡治風氣日就傾圯因僧正方燦請許以義募且捐俸以倡遠近爭以財力助材新制美雖一隅費將千金不煩官帑暮歲工畢興役之初二鵲巢於梁工作紛紜竭來自適至閣成誕卵育四雛去謂非穎川遺瑞乎事竣州人請記之石侯疏鍾秀水以道地脉於南築鳳凰墩以擁地脉於北惠州人者甚至時則荷開並蒂麥秀三岐皆侯所感召也

指月菴本名曹家殿在州治東北當秀水出口度女尼乾

隆十八年重修有記案以上州城以下四鄉

慈雲閣在州東五里福星橋

雲輝尊登福星橋慈雲閣詩一山如畫對層樓四面春風只自由舊燕欲來池岸綠新鶯將出柳稍柔年顏未老先憑藥風雅含情更欠愁此日聊隨居野外往來踪跡絕羊裘

彩虹菴李志在州東十五里

石溪寺南畿志州治東南五十里元延祐中建案寺在天

寶山中無一禪師建初名石溪禪寺天歷二年賜額太

平興龍寺有碑記志胡已燬僅存側屋新纂

元佛文質無一禪師塔銘釋氏之教由迦葉得佛之正  
法眼藏遞傳之達摩達摩傳之東土其要使學者一念  
之頃深入闡奧故業空寂之士得其師往攝衣而從  
其遊焉石溪無一禪師諱善會長沙徐氏子生宋景定  
壬戌正月初十日幼而穎悟依郡之湘山僧景祥雜染  
超然有出塵之志聞仰山雪巖欽公大闡其道遂偕鐵  
山瓊師策杖踵門晨夕叩其宗旨忽覩樓前樹倒豁然  
心悟從是承受問難靡有疑滯無何欽公示寂師還湘  
山即南臺之麓誅茅處幾二十年至大間瓊歸自高  
麗以書致師勉師開法為人冀以同得於欽者弗之墮

廣德州志

卷十四

寺觀

五

墜及瓊將終復致書囑師治後事師為建塔請銘敦同  
門之誼也廣德東山海智禪寺瓊緒時余守廣德介書  
瓊同所自出百里重山惠然不辭其居民沈政先施地  
幣以石溪延師開山師易山以廣其址湖廣平章昔  
立精藍請額於官為石溪禪寺卓錫而衲雲四集施  
者輻至郡人朱庭桂割田易山以廣其址湖廣平章昔  
利哈刺施財為弟子觀正閣下蔽堂堂宜興長者蔣  
乞受毘尼為弟凡正殿三門僧堂眾寮庫室廊廡悉  
力成之門堂穹然金碧煥爛猶天設鬼運高峯法兄之  
居於中國使人愕然歎以爲神也戊午師禮高峯法兄之  
塔相見之晚也中章昔利哈刺監郡哈那海皆執弟子  
恨相見之晚也中章昔利哈刺監郡哈那海皆執弟子  
禮師未嘗以貴賤異觀晚年創造茶園退燕閒湖之  
何山以主席延師以年邁固辭不受暇日與侍僧行寺  
後珠峯下囑曰他時當以陶器藏我於此天曆己巳  
八月也未幾荆溪蔣氏強師過之吳而好事者遮  
畱之一日舟次當良一僧呼曰今日何日寺僧對曰十  
汝舟之何遲衆莫測良久問之曰今日何日寺僧對曰十

一月十一日師於是索浴更衣謂衆曰何天而非吾  
 夜旦何地而非吾遊戲之場耶吾其逝矣懇留遺偈來  
 應遂泊然而化時平山林公主福源之儀扶龕還山畱  
 致問殆以後事囑我乎卽爲具治喪之儀龕還山畱  
 三七日將入塔郡莫文武官屬而下僧俗千有餘人啟  
 龕見其容貌如生莫不悲慟如失恃卽遵遺訓塔於  
 寶珠峯下時春秋六十有八僧臘四十有五其徒數十  
 人參學弟子不可勝計偈頌語錄未及詒傳誦之其  
 門人惟守以住山頑石瑱師書并師行狀來豫章乞銘  
 於余余與師相知惟深義不敢辭強爲之銘曰無一  
 無偏天地之先靈光獨耀遍滿大千六十八年以無  
 有心印雪巖了無纖垢死生既一貴賤等齊大闡厥  
 於石之溪有塔陀我師入寂摩識其師不知徒勤樸  
 山之阿有塔陀我師入寂摩識其師不知徒勤樸斫惟  
 無界非色非空無內無外言無西兩江道宣慰使司事  
 遷吾師儼然通議大夫同知廣西兩江道宣慰使司事  
 副都元帥僕文質撰前奉直大夫東海甯州知州  
 兼勸農事趙雍篆額翰林待制朝請大夫兼國史院編

廣德州志

卷十四

寺觀

修官高昌僕玉立書丹至元三年歲次丁丑三月十一  
 日建李洞天寶山石溪太平興隆禪寺碑桐川之東  
 南有山曰天寶有泉曰石溪湍流縈紆清澈可鑑林谷  
 宛轉狀如城郭望之蔚然故老以爲虎兕所宅而人迹  
 罕至焉延祐三年長沙無一節齋僕文質欲卜其地爲  
 藍以樓有道者聞長沙無一節齋僕文質欲卜其地爲  
 於吳江致書幣以招之郡庠直學朱庭桂以田易山凡  
 弟施以爲基延師居之荆溪有長者聞之慨然曰山奇  
 四十五畝以充拓之好善樂施者聞之慨然曰山奇  
 弟道高道和道晟咸好善樂施者聞之慨然曰山奇  
 人勝是地興梵宇矣凡經營之金穀之費吾悉能  
 具於是闢地求材命工就役士庶歡同爭先効力明年  
 祠佛有殿講法有堂晏息有室安禪有宇門庫廩庖  
 溷園圃以次粗備蔣氏復割膏腴之田十五頃四十  
 六畝六分以供衆食師亦罄其衣孟之資田百餘畝  
 以益之甘肅平章昔里哈刺亦捐俸助寺遂落成學  
 者日衆聞歷二年伽黎賜額曰太平興龍首增樓以縣  
 有司以上天聞錫以年伽黎賜額曰太平興龍首增樓以縣

鐘復建開山塔以藏無一之眞身次作三塔爲禪侶及  
淨行者終焉之耶也元統兒與衆堅請全公得法上首  
議秦良萬夫長完者帖木實爲藪林所推不一二年棟  
元照補其處照公行解精亦佛三學之百師皆範銅閣  
以奉法界之徒聖賢劫之多千奩再紀至元三年攝寺  
之適蔣君之室謝氏亡盡出其奩再紀至元三年攝寺  
藏之文及諸莊嚴之具至是畢矣再紀至元三年攝寺  
事者以聞於帝師蒙錫法旨以寵照之言曰吾徒仰承  
前休克紹茲緒不待苦形勞志強求諸人而能成其志  
者其故何也實由國家崇重釋氏得優游空寂興建  
幢剎可不思所以宏揚眞宗少答聖恩者乎猶懼夫久  
而斯志蔑聞將請銘於太史庶其成功不墜其師之  
徒元祐來京師求記於余嘉其成報乎上也故爲之  
績不銘曰昔在有德窮巖獨處學徒雲集迺營棟宇匪曰  
興崇惟報之需匪曰高廣惟道之娛粵茲賢侯發地之  
秘值師之遂厥志羣豪畢從輸金布地載構載營

廣德州志

卷十四

寺觀

禪剎具備曰煥曰隆光騰於帝興龍實嘉製衣遠逮恩  
渥大賚克紹古今聖師寵護德澤愈深美隆道址斯震  
法音集釐報國彌遠彌欽至正七年歲次丁亥九月二  
十一日庚申奎章閣大學士院承制學士李泂撰翰林待  
制兼修國史官奉政大夫揭傒斯篆朝列大夫  
夫平江路吳江州知州兼勸農事干文傳書

妙覺院在州治東南五十里明崇禎年僧三立建

桃花菴萬厯志在州治東南六十里明隆慶五年知州鍾

振重建內有田六畝

案南畿志有寺無菴萬厯等志俱列菴於道院之後

然寺菴雖有大小其爲佛廬僧舍一也今但依四方

遠近爲次舊志皆不拘年代今亦仍之



白馬廟在州治東南六十里通苦嶺關明萬厯間重修又

州南九十里亦有白馬廟與甯國接界胡志州治東廟已

燬今重建新纂

雲山菴萬厯志在州治東北四十里元大德中建併東泉

案此菴今無知者則併入東泉久矣

東泉寺南畿志在州治東北四十里唐天祐中建萬厯志東北有

普照菴誤今移後

大洞菴萬厯志在州治東北七十里宋乾道六年建案菴

在大洞旁因名今為實相院康熙二十五年州守高拱

廣德州志

卷十四

寺觀

八

乾重修有記案相近有廣明菴相去五里有衡門菴

記畧云實相院古刹也考州舊志始自漢唐依太極洞建焉桐之北山洞府之奇不勝數而此洞為最前代之蒞桐者如近邾何太父師鳴琴課治之暇載酒攜觴而實相院以其所憩息也為之募資鳩工煥然鼎盛前此僧德雲實始經營今見如禪師矢志興葺而力猶未逮幸遇郡主高太父師夙資遠俗曾一披榛其地而惜無召伯之棠陰可以稅駕遂因住持之請准給印簿為建理計德雲死其徒悟真述其始終焉康熙丙辰仲冬立

案實相院舊志但名大洞菴建於宋非漢唐也記脫

撰人不知誰所作也

清溪菴萬厯志在州治東北九十里宋淳熙中建

天甯寺南畿志在州治南二里許唐元和中歸宗禪師建

參萬  
歷志 王日如讀書於此有詩

緣覺寺李志在州治南三里舊名普濟菴康熙四十六年僧元正於蘇州恭迎

聖駕

賜額緣覺並紅衣龍鉢胡志已燬今重建正殿新纂

靈應菴萬歷志在州南七里店明萬歷二十三年州民孫楷造知州段猷顯扁先是楷與董世澄許墀建茶亭楷捨田六畝戈洪敏田十畝孫希後田八分李大祿田并地八畝令道士收息作茶以飲道渴皆楷為之倡更自

廣德州志

卷十四

寺觀

九

結菴作經久計焉胡志已燬今重建後殿一間新纂

定慧禪寺在州南十五里舊名竹山禪院南畿志一統志俱作竹山寺唐咸通八年建光化三年田頽改為瑞峯永安禪院南唐保大丙辰僧道遇重修李約記明高祖駐師廣德更賜今名并龍牌立碣以識嘉靖二十一年山門火碣毀寺且剥落萬歷十四年知州陸長庚令僧廣泰宗信募修萬歷乙未始就知州段猷顯為立扁額參萬  
歷志及碑天啟間知州許國器又令僧慶福募修山門有胡志今燬僅存大佛殿新纂

祇園之特鉅績辭不敢誣時龍集庚午皇上帝御極之十叙	之義刊翠玟用永清風瞻須達之良因數莫能盡興	於塵寰會闔制僧尼大齋鑄名氏功既由圓矣利重溥	千二百斤實濟千不可警俗九孔司曉昏於茲界覺遠出	不可誘善非鐘不可警俗九孔司曉昏於茲界覺遠出	就志在宏持刺血嘗寫蓮經化導不忘勇進以爲非喜像	福資開士晏居德柳上人披三乘精嚴四分喜成	紅竹翠甯謝給孤遊者忘歸禮者生敬足以崇檀信淨	梵唄夕魄映於藻井如見秋毫檜老松喬自同祇樹蓮	鴛鴦迴廊樓月正殿不告勞其或風鐸語其高秋若聽	合度迴廊樓月正殿不告勞其或風鐸語其高秋若聽	金揆材審曲面勢並公輸落墨王爾操斤柱礎惟精樂廬	畫壁隱塑變相並重豎正殿禪堂廚庫房廊三佛事周迴	歲秋九月建大殿及制泗洲地藏二堂重彩繪佛事周迴	於是散募檀越及城外僧俗黑白衆於保大丙辰	資殿宇傾欹簷雷雕楹莫免風塵昏象豈認丹青	僧道遇院主僧法註並心月無塵意花不染以璿璣迭	廣德州志	類北瞻則萬井連光五壠堆藍有同靈驚澗泉澄練還	翠北瞻則萬井連光五壠堆藍有同靈驚澗泉澄練還	九十年三乞更安院額公俞其鎮宛陵秋八月縣宰趙公信垂	巖列狀乞更安院額公俞其鎮宛陵秋八月縣宰趙公信垂	庚申霄學空之公額作鎮宛陵秋八月縣宰趙公信垂	以千霄學空之公額作鎮宛陵秋八月縣宰趙公信垂	和埴調鉛螺髻珠自是開嚴而有相寶幢香刹復聳兀	跡其感應也如此自是開嚴而有相寶幢香刹復聳兀	言於山靈曰畱老僧駐錫當爲絕諸翌日麋兔咸皆屏	乃然其請俄而卓菴每手植荳蔬必麋兔侵擾一且矢	蓋自傷行旅遂許爲伽藍靜公將渡黟川長者與籌虎兕	墅咸通中請僧惠靜所建也茲地素鬱林巒多藏虎兕	教興之漸實在此乎瑞相者捨妄生信崇長者過凡階道	相遍娑婆忍上俾觀相者捨妄生信崇長者過凡階道	有滅有生之患故闢多寶之地廣闡浮世具滿國之	宮示滅雙樹滅本不滅生亦不生演無緣之慈度	歷曠劫總持出三界調御方便汲引應跡垂形托生師	南唐李約瑞峯永安竹山禪院記西方有佛號天人師
-------------------------	----------------------	-----------------------	------------------------	-----------------------	------------------------	---------------------	-----------------------	-----------------------	-----------------------	-----------------------	------------------------	------------------------	------------------------	---------------------	---------------------	-----------------------	------	-----------------------	-----------------------	--------------------------	-------------------------	-----------------------	-----------------------	-----------------------	-----------------------	-----------------------	-----------------------	------------------------	-----------------------	------------------------	-----------------------	----------------------	---------------------	-----------------------	-----------------------

廣德州志

卷十四

寺觀

也將仕郎試太常奉禮郎掌表李約述宋開寶三年歲次庚午七月庚子朔十五日甲寅過銳弟昌道姪延

思延滔延禮等建案燒字字書無考

明李徵儀重建定慧禪寺山門碑記桐川環山多深僻

堪為方外居予告老歸每暇曳策登眺其南昂然聳秀

者有竹山焉去城不數里流泉石瀨為之映帶逗以村

壑郊原盡供盼眺故昔烏臺塗通判梧省史三州公餘

遊覽興到畱題荒鄙藉以生色茲山創自唐咸通延至

嘉隆始振後遭回祿僧寺剝落萬歷十四年長庚陸刺

史為之倡募僧廣泰拮据修葺歲事艱虞未竟其業又

荷段公賜匾未幾謝去其元孫慶福請於許公印簿

普化功成屬予誌之崇禎辛未孟冬郡人李徵儀撰

通隱菴萬歷志在州南三十里獅子山下明隆慶二年庠

生葛鍵捐造案相近有潮音菴

東山寺萬歷志在州南四十里宋元祐中建案寺額有曰

廣德州志

卷十四

寺觀

十一

敕賜古刹云是宋欽宗已酉年立考欽宗無已酉已酉

乃高宗建炎三年也志今存新纂

巽峩菴續萬歷志在州南四十里

翠雲菴在州南四十里康熙戊申僧覺朗西月建有記相

近有勝佛菴志今存大佛殿新纂

顯聖菴在州南五十里康熙甲午建有記志今毀新纂

記云桐南離城五十里路傍有觀音菴年遠傾頹辛巳

春有石佛順流而下至菴前而止見者以為觀音顯靈

也遂名顯聖菴士女出銀助田重建廟宇眾姓蒙福目

來往徽甯旌邑者咸得歇息焉余捐俸外復建碑以垂

永遠廣德州吏目署督糧廳

事謝偉才撰康熙甲午春月

三昧禪菴在州南五十里雪水澗山勢環繞瀑布千丈順

治初僧覺悟於此結菴康熙丁未始立殿宇壬申住持

### 雪山重建有記

釋雲石記雪水澗三昧禪菴者地頗形勝山亦幽深連峯嵯峨流水潺湲瀑布淙淙千丈瀉玉誠有道者所樂

居也

國初覺悟上人始伐茅栖隱於此楞嚴禪師拓之易茅而

瓦至康熙丁未有西蜀蓮渠老人卓錫修行耕雲鋤月

於是鳩工集材百堵皆作妙相莊嚴金碧煥爍儼然一  
化城矣庚申年雪山更建一樓造  
三塔皆諸檀越成之康熙壬申年

石泉菴李志在州南六十里陳山僧行海建

永興菴李志在州南六十里

胡志今重修新纂

## 廣德州志

### 卷十四

寺觀

十二

永福菴在州南六十里順治四年僧明珠建

靈山寺萬厯志在州南七十里唐天祐中建案明萬厯四

### 十二年僧性枝募修有記

李得陽重建靈山禪寺記余素懷禽尚之志總非即聞郡南靈山之佳時方業鉛槧未遑問勝地也比守潯陽得觀匡廬瀑布其飛湍噴薄洞駭心目至徘徊留之不  
能去始信李青蓮銀河落天之句不我誣矣嗣是轍迹  
半天下迄未有匹廬瀑之奇者撫楚之戍秋得請歸  
養之暇遂與一友生青山白怡筍輿遍陟既已登五  
巖探大洞諸勝矣居亡何而為靈山之遊以酬夙願入  
谷二里許石磊磊山足埜雉羣响山犬孤吠四顧無人  
蹤唯伐木聲與谷底相應又二里許折而東松柏數千  
株矯龍盤螭攫拏蔭映自此山勢愈高鳥道逼窮蓋輸  
蹄莫能從杖履而往數息迺到此耶其瀑布并雲錦泉處不  
覺狂能歎曰靈山奇絕一至此耶其洶湧噴不減匡

廬流而散漫旋而雲霞或濺如珠或掛如簾種種異態  
似又過之然而匡廬之瀑名噪宇內茲山太寂寞者何  
則以匡廬值名區得李供奉孟陽流寓其間品題  
嫩足志不朽而茲山僻在桐南寥寥閱千載從無名賢  
高士邀遊詠賞即欲不泯惡可得昔人謂勝地顯晦  
亦自有數謝靈運痼于山冥摛窮討靡所不至而獨  
失一雁蕩今靈山飛瀑不遇太白浩然其入者深為堪  
惜而太白浩然不遇茲山一似靈運之失雁蕩者等余  
甯不尤于千古上重惜兩公哉余才名眇兩公不啻焦  
僂龍伯相去遠甚而行歌坐咏鋟鳳鼻以短記或後之  
好竒者聞而和之以啟名賢高士贊美之盛則茲山之  
不讓匡廬當且有日而今所言定山靈知已矣寺頽敞  
已久僧徒稍稍委去有僧性枝獨秉堅念苦持戒行且  
好與墨士遊時時摘山花採石蜜效殷雅為語重建寺  
渠輒首肯遂募貲四方戮力營度而其師祖圓通  
智並殫拮据肇其事于萬曆戊申之秋八月比癸丑春  
則莊嚴宏敞洵巨觀矣丐言於余余因為識歲月并附  
小詩于左 萬山迴合白雲深古刹蕭蕭竹樹陰絕壁

廣德州志

卷十四

寺觀

十三

飛流懸萬丈參天怪石擁千尋登臺長嘯驚林麓把盞  
高歌慨古今一片花飛春欲盡東風啼鳥自知心萬曆  
四十二年甲寅二月郡人李得陽撰

長生菴在州南七十里康熙年僧寂中建菴右舊有文昌

閣明初建明季燬有記旁有石刻不老泉三字胡志現存

側屋三間新纂

選佛道院李志在州南七十里成道山案僧松谷等建有

記

獅林菴李志在州南八十里僧通弱建

篆石菴李志在州南八十里四峯山之陽

方穀遊獅山篆石菴四山攢青冥連壑斷復續勢若蹲  
獅王屹如撐鼉足迤迤折而南峭萼千尋矗忽焉幻神  
工石篆紛垂玉半壁騰蛟螭天經煥梵錄藤蘿不敢侵  
旃檀四時馥花雨散文殊松龕隱佛屋素月貼簷飛孤  
雲傍岩宿曖曖望村墟濛濛俯澗谷天風送潮音高樹  
鐘聲肅靜心參妙偈虛寮恣遠矚窅然萬慮空遙峯見  
目天

西林菴在州南八十里明萬歷年間建

百泉菴在州南八十里順治二年建胡志道光間廢新纂

廣福菴 陸家菴俱在州南八十里康熙年建胡志陸家菴

今重修新纂

右辛豐寺案今作上新豐寺而州西四十里之上辛豐寺  
作古辛豐寺未知舊志誤與抑俗僧所妄改與

廣德州志

卷十四

寺觀

十四

萬歷志在州南九十里宋元祐中建胡志已燬今建屋數

間新纂

崇法寺萬歷志在州南九十里舊作七唐天祐中建案康

熙年修胡志今重修新纂

案寺有康熙四十四年僧耿契記云崇法寺古刹也  
始於唐貞觀間又云名曰下梅有渴想修治之意考

萬歷志古蹟門下梅巡檢司基在州南九十里今為

下梅寺然則下梅與崇法本兩寺也但寺觀門不載

下梅寺或前後異名未可知今乃混而一之又附會

於渴想修治鄙劣已極此次所摹碑碣南鄉最陋鮮可採者而此非惟不足傳信反足滋惑不得以其刻石遂濫入之也

明教禪寺南畿志在州西宋崇甯二年建案在橫山麓祠

山事要云靈濟王廟南有明教禪院舊號看經院時以

王宗釋教建焉今爲天甯萬壽禪寺然今寺額尚題明教焉

橫山菴萬厯志在州西五里宋淳熙中建

觀音廟萬厯志在橫山之巔知州陸長庚建

廣德州志

卷十四

寺觀

十五

松蔭菴楊志在州西五里地名紮寨圩俗呼明菴卽此

三元菴楊志在州西十里石頂山嶺上濮陽懋建王書鄒

際曉等重修案是嶺俗呼三官嶺乾隆四十五年州判

左宜捐設茶會四十九年勸募修茶亭有記

記畧云路當山僻暑天苦渴因集同志捐貲於己未庚申施茶兩載又各捐錢三十緡購田十六畝八分永爲

施茶費名曰三元茶會

上辛豐寺案今作古新豐寺詳前萬厯志在州西四十里唐天祐中

建案今名閣下寺

武田菴萬厯志在州西四十里唐大同二年建案唐無大同年號此



必有誤

古西竺寺李志在州西四十五里陽山

圓隱菴萬厯志在州西五十里明洪武元年建案今名緣

隱菴圯於萬厯三十八年重修於天啟元年吳僧海相

募建茶亭為施茶之所有記

誓節渡菴在州西五十里先有廟祀唐義民張姓見壇廟後

廢止存是菴明季亦圯僧月空及其徒無得等募修順

治十三年成乾隆壬辰僧月德又修有記菴奉張公神

位里人春秋祀之胡志舊址沒於溪水新纂

廣德州志

卷十四

寺觀

十六

僧如解重建誓節渡禪林記張公失其名唐乾符三年黃巢倡亂荼毒生靈山南東道節度使劉巨容大破之巢與部將尚讓挾餘衆渡江東轉掠饒信池宣歙杭等十五州衆至三十萬道經廣德張公無守土之命無討賊之權意氣所激不能自已乃率鋤耰之卒數百人拒於溪澣力不勝駢首而沒里人哀而立廟祀之誓節之名所由始也厥後代更世易廟址俱毀獨其表高風猶與此渡並存溪上有菴繼廟而立其間廢不知其幾沿及明季僅餘敗屋數椽徑封薜戶過此遂卓錫焉其人貌樸而律精冬夏一布衲晝夜一蒲團恒持般若金剛經寒暑不輟為遐邇所皈依以桐川控吳越孔道往來雲水無掛鉢處意欲創建殿宇廊廡為接待所何期願殊宏而身先殞也今無得無念無量諸公皆其弟子也思繼其志于是疏募善信共勦厥事裕者以財健者以力辯者以言工者以技經營於甲子之春告成於丙申之夏頽風再振古蹟重彰塵世之招提即十年之兜率也功竣勒石屬予記之古舒如解撰順治十年

普門菴萬厯志在州西五十里元延祐中建胡志今存新纂

資福寺萬厯志在州西六十里宋祥符中建

化成菴萬厯志在州西七十里元大德五年建

慶壽菴萬厯志在州西七十里宋咸淳中建案一名耕溪

寺乾隆年僧化成悟達募修

紫竹菴萬厯志在州西八十里明洪武五年建

牧馬寺萬厯志在州西南二十里唐天祐中建案宋江甯

府天蓋寺僧重建後有僧宛大又奉敕改建名勝果禪

廣德州志

卷十四

寺觀

十七

院明時燬雍正四年重建乾隆三十二年修有記

國朝陳遠牧馬寺記寺舊在牧馬山之巔明宣德間始移今所蓋緣勢踞高峻故以木末為名山之名又因乎寺語久音轉訛為牧馬若蝦蟇陵寶所塔喜峯口之類舊云金人縱牧其地故名疑里人附會非實也地居山僻檀施頗少以故寺額闕如佛殿僧寮雖具而法像多不備康熙甲子寺僧募里人新之乾隆丁亥寺僧又募於里之好施者易棟宇增法像懸寺額鑄新鐘焉丁未始告成夫農家之入有限力作之民少閒今之佛相莊嚴金碧相間者皆先後出其所笑佛者之所誇姑弗具論要之智與否與夫儒者之所笑佛者之所誇姑弗具論要其皈依法教而所以事諸佛菩薩者則可謂誠且勤矣寺僧聚坤將諸施助勒名於石余為書其梗概如此乾隆五十四年己酉仲冬里人悔厓陳遠書

海會寺萬厯志在州西南五十里晉義熙中建南畿志在

北宋熙甯中建

案義熙熙甯相去甚遠必有一誤通志亦作義熙

龍駒寺在州西南六十里馬鞍山順治五年僧斯可創康

熙庚戌智鹵拓之有記胡志光緒二年武生張錦雲劉士

傑等募捐重修

新纂

釋智鹵記馬鞍山桐川西南之屏翰也距城六十里一  
峯峻拔萬岫雲攢雙溪環抱如垣巨石參天若柱其脉  
發自廣茗起伏猶象蹴獅行奔騰似鸞飛鳳翥所以面  
有天馬峯之引痔背有寶蓋之隨後左右太保二陵  
夾輔擁從而出其展眸也仙源兌涌其顧祖也玉屏靈  
開觀音貽隱身之匡蟠龍彰出壑之勢龜蛇把關地結  
是矣而龍駒禪刹畫然關其中也昔法兄斯可禪師  
于明毅宗已卯嗣法弁山息影天目偶遊金陵憩息是  
地訪得山為濮氏之業初蒙助施次索值售乃縛茅栖  
止時

廣德州志

卷十四

寺觀

十八

國朝世祖順治戊子歲也龍駒之額因馬得名未幾祝融  
肆毒檀信匡勦置產闢址始構大殿而禪堂廚寤相繼  
成矣是年丙申冬也時鏤自楚衡大義山來主弁山祖  
而可師西徂康熙庚戌余自楚衡大義山來主弁山祖  
席州中紳士偕本山法屬啟懇再三乃赴繼住時在乙  
卯秋也既蒞院事遂造大佛鑄洪鐘雕塑諸聖像將立  
方丈夢感庠生遙送香像時江南巡憲王公諱緒祖寵  
贈正宗不二之額其餘種種建立俱十方助施夫天荒  
塵壤開土雲來幽谷深林梵宮特立巍巍金玉其相重  
閣莊嚴鉤鉤鏗憂其聲長年圓演大功德既竣爰述巔末  
記之于石康熙庚申重陽日曹洞三十世本寺第二代  
住持沙門智鹵撰

濮陽模遊龍駒寺羣峭列圍屏深坳藏梵屋陰凝暑氣  
寒嵐蔽斜陽促修篁掃碧天繞映鬚眉綠竒草弗知名  
藥苗香滿麓澗潛飲水彪躍銜花鹿廚笕石泉清階  
抽新笋簇山僧不出山蒲團參枯木有客寓雲房時借  
楞嚴讀朝夕乏躓音窮年坐空谷何以破寂寥畫眉啼  
深竹沈嗣進遊龍駒寺秋夜天際嚮征鴻階前咽晚

蟲秋深寒雨裏人靜遠山中村酒空浮綠  
燈花不剪紅坐愁方未歇落葉又敲風

永林菴在州西南九十里明季僧德清募建乾隆年僧法  
尚修

太首山菴萬厯志在州西南九十里宋皇祐中建案明洪  
武年僧覺海卽廢址重建今康熙四十四年僧眞禮修

有記胡志今毀僅存觀音閣新纂

國朝趙嗣晉太首山仙神寺記桐之山發源於治南之太  
首嵯峨萃嶽甲於一郡故名首且曰太首山之巔有聖  
井焉大旱不竭清流瀉下百數武爲仙神寺誌載建自  
唐宋間厯元末僅存遺址云僧覺海於明洪武代披荆  
斬棘爲開山祖成化間盛安大啟梵宇鼎革後寢落十  
四世孫僧眞禮復恢廓焉徒如祥踵事增華孫湛玉乞

廣德州志

卷十四

寺觀

十九

記之勒石垂後  
康熙四十四年

大山菴在州西南九十里明季建胡志又大山庵卽鈔基庵

在州西六十里現存新纂

桐南九十里許山曰太首發源天目奇峯插天俯視諸  
山如百千螺髻巔有原泉冬夏不竭凡遇乾旱所祈最  
靈故稱仙神焉山之麓有大山菴者泉甘而土肥明  
季僧元進等自仙神寺徙居於此興宇以栖佛祖置田  
以爲香火康熙四十四年春月

廣興菴在州西南九十五里麻家山頂順治六年僧海松

募建胡志今存里人嚴翼重修新纂

朝陽菴在州西北五十里白茅山洪武初建萬厯時名朝

陽禪院崇禎末重修或云梁普通時建有鐵佛康熙初

為豪民所毀知州陸翔華斷歸住僧融虛有記相去五

里有觀音菴志胡已燬同治十三年里人募修座殿三間

光緒五年捐造大殿三間新纂

明教寺在州西北五十里

大聖寺在州西北七十里又相近有鶴林菴

朝音菴在州北五里長塘保雍正庚戌僧靜安募建志胡已

燬同治八年郡人蔣志櫺捐造新纂

太平菴在州北七里店順治年僧智覺建康熙年曉蒼重

廣德州志

卷十四

寺觀

二十

修有記志胡後圯嘉慶間移建後街今存屋三間新纂

新纂

記云菴之建自順治戊戌年僧人智覺始繼者智宏今  
住持曉蒼也曉蒼嘗言智覺因訪親來此有錢大道者  
於草舍拜禮古佛一尊發心建殿又王介熙助田四畝五  
起造瓦房三間即今厨竈所也又王介熙助田四畝五  
分為香火資康熙十四年智覺即世智宏募買沈用丙  
地重建佛殿置田幾畝三十二年智宏又故曉蒼恪守  
遺業不敢浪費建茶亭裝佛六尊擴置田及山  
慮繼無人立石紀之康熙乙丑春月沈祥明記

二祭廟李志在州北十里

敬堂菴李志在州北高湖保楊志良造案去州十里

鎖山寺南畿志在州北二十里宋至道初建楊志作至一

名萬壽院明一統志洪武中重建案明末燬康熙年僧

體真募建大殿未成實相繼之閱七年告成有記胡志今

存金剛殿大佛殿觀音殿羅漢殿祠山殿并戲樓新纂

國朝李勳重建鎖山大殿碑記予守桐川四載每於簿書

之暇單騎循行觀風問俗復於朔望農隙集紳衿耆庶

上諭十六條仰體揚

聖天子化民成俗之至意迨丙子仲夏課農治北隅憇鎖

山見修竹長松之下古剎重新蓮堂法像色色莊嚴亦

桐北之偉觀也詳閱遺碑知斯寺始于宋天聖六年戊

辰迄大觀己丑有僧德華重修而倡首捐貲則甯湯勇

三姓不知幾更而今茲之輪奐其亦應運而維新者乎

重建不知幾更而今茲之輪奐其亦應運而維新者乎

進輿人而詢其締造之由僉曰寺僧實相薙髮披緇數

十年于茲矣適其廟貌傾圮毅然以重新為已任仍謀

諸三姓皆願繩其祖武復叩之諸檀咸欣善與人同由

是實相庀材鳩工宵旦拮据凡七厯寒暑而工始告成

廣德州志

卷十四

寺觀

較德量功大約首領仍歸三姓落成兼賴萬緣而寺僧

捐廉相與有成是為記奉直大

夫知廣德州事三韓李勳撰

附趙嗣晉鎖山寺募大殿啟畧吾桐多佳山水如石溪

東亭羲蒼橫山諸名境或則千仞壁立或則萬頃淵涵

一時名人騷士往往極登眺把臂論心後益往來無間

書天如菴時過從雲子丹成把臂論心後益往來無間

雲子謂予曰去舍不數里有層巖拔起龍蜿蜒秀樾

干雲修篁漏日去舍不數里有層巖拔起龍蜿蜒秀樾

繞拾級而登有寺踞於山巔琅函貝葉為緇素瞻仰地

命曰鎖山余聞之欣然欲往輒以他故未果然傾倒於

是山至矣今夏仲虎循溪而上則見夫衆山之遊以遂夙

志爰同家仲方虎循溪而上則見夫衆山之遊以遂夙

秀前瞰白馬官塘渟泓萬狀遠則天目巒近則石佛

筭山諸勝若環而抱若拱而揖余不覺心目俱怡歎雲

子言為不虛未幾僧侶來迎余遂詣其頂瞻古道場禮

彌陀三佛而環視牆垣已就傾圮仰觀榱楹已即頽敝

乃顧雲子而歎曰嗟乎是寺素稱古剎而竟至斯寺僧體眞者頗不俗烹茗進山果繼以酒余與雲子暨家仲極竟日歡僧亦撐醉眼爲一樽勸次辰返家適僧體眞捧簿來余家乞言於余資爲建大殿募余旣嘉僧之克光龍象且雲子丹成世主是山於殿之建也必踴躍稱快由是布金以種福田捨利以航慈海作四方領袖以壯三溪之勝使人指而目之爲山水秀絕處併雄視石溪東亭羲蒼橫山諸名境也

淨土菴李志在鎖山寺右案康熙年僧成舟建有記

記云淨土菴者康熙癸亥僧成舟所創成舟姓勇諱元祥喜清淨蒲團面壁欲擇地而隱適有李景星者無子而有田二畝五分在鎖山右頗高可居成舟售其半結茅以奉景星夫婦續置田若干畝庚午歲景星死成舟殯葬之更構瓦房塑佛其中增置田共四十畝甲申歲遊吳門歸額曰淨土菴勒石記之康熙四十九年秋也

蓮心菴李志在鎖山寺右案僧成舟及其徒祖明建有記

廣德州志

卷十四

寺觀

二十二

記云鎖山右有僧成舟披剃淨土菴中積資置田予雲友已叙之矣晚更建一所名曰蓮心經營方始病卒其徒佛廣繼志成事復募善信勇鳴玉商侯昆仲裝塑佛像焉康熙五十九年雲記又有祖明續置田記乾隆十年八年立

上柳寺通志州北二十五里宋淳熙中建胡志今存光緒四

年住僧募修羅漢堂三間新纂

佛堂菴楊志在州北二十五里胡志菴在三溪口今存新纂

唐興寺萬厯志在州北三十里唐武德二年建案舊傳劉

文靜故宅捨爲寺久廢明永樂年州民許子賢重建萬

厯初僧性良修有殘碑胡志今存新纂

明重建唐興寺記桐川有唐興寺郊原數十里三溪繞其前五花枕其後唐武德二年文靜劉公故居文靜隨帝建節晉陽遂捐其居為佛舍厥畝千數厥椽百楹僧千人年代彌遠遭金兵火蕩焉墟迨宋暨元久作曠土我明成祖文皇帝時有鄉民許子賢慨寺之圯且盡也始再建之未幾天王殿災萬厯初年有僧性良吳之雒城人來此募建於鄉之檀越鳩材庸工易木柱以石隆棟巍梁不可石者仍樹之周圍完固香火可綿綿於萬禩矣崇禎辛未歲菊月立

普照菴萬厯志在州北四十里元大定四年建胡志今存新纂

天成菴萬厯志在州北四十里典史濮陽紹曾建

獨山殿在州北四十里衆山中此獨隆起土名獨山舊有

大山寺有明嘉靖年所鑄鐘現存順治初里人建張真

廣德州志 卷十四 寺觀 二十三

君殿及大士菴三官殿顏曰獨山殿胡志已燬同治年間

里人募貲重修新纂

慶雲菴在州北四十里流洞保順治十二年建本名雲聚

康熙四十九年僧通彩出貨增修知州周在建改名慶

雲有記胡志

重修慶雲菴記署州治之北四十里有菴曰雲聚創自順治十二年歲久傾圯康熙四十九年普渡菴僧通彩過之惻然曰吾當葺之于是輪奐一新增其式廓余勸農至北郊憩菴中因更其名曰慶雲僧于普渡菴勤耕力作續置田一百五十餘畝上供香火下給住持恐後人不能守請余為記雍正元年癸卯七月知廣德州事周在建撰

慶雲菴後序菴始名雲聚頽廢已久僧普點暨徒通彩



通建以父子而為師徒堅修好道不憚辛苦買基重造  
復置田百餘畝請州侯改名慶雲後普點圓寂通彩好  
善樂施疊建六橋菴業廢其大半通建絕不介意無何  
通建先亡通彩傷其弟共創之苦乃令其徒孫天緣等  
析居慶雲而已歸老普渡以承舊業又於兩菴立祭產  
為師香火天緣克守先業數傳至界儀界明更能廓其  
殿宇振其舊規視前又勝是皆  
可記也雍正辛卯柯任翔撰

慶雲菴在州北四十里千口村初村人沈繼賢繼質捨宅

為菴康熙乙亥增葺有記胡志今存新纂

記云沈繼賢繼質者千口村人惟好善將庄房改為淨  
室以田產所入供香火後有僧智松增建前廳壬申歲  
善士沈玉如慨助殿木三間僧本誠復捐己貲以成勝  
果迎師兄本蓮本如助理乙亥年構後殿一進側室四  
間由是佛刹巍煥垣墉敦固時  
康熙辛卯冬月也葛鳴翔記

廣德州志

卷十四

寺觀

二十四

大德菴萬厯志在州北五十里宋咸淳中建案萬厯三十

九年僧惟政汝明等重修古佛堂崇禎十年又建山門

知州邵圭翁日襄先後有記

橫嶺菴萬厯志在州北六十里洪武二年建案今名圓照

菴知州陸鳳記在州北五十里元大德七年建明正統

成化間重修

國朝屢加增葺趙寅記

明陸鳳五峯圓照禪菴記州治北五十里許地名橫嶺  
嶺之陽有菴曰五峯圓照禪菴山水環遶松竹陰翳蓋  
勝境也肇自元大德七年癸卯歲有扶桑國圓照亮禪  
師開山養道於斯正統丙寅金陵古菴涓禪師者恢廓

規模居士伏用昇助之後延浙江孤峯傑禪師領教事

相繼更新視舊有加徵予文記之成化四年戊子春月

直隸廣德州奉訓大夫知州陸鳳撰立碑現存

國朝趙寅記橫嶺山五峯團聚幽邃而高曠藏修善地元

大德癸卯海外僧亮公開山顏額圓照歷四百五十餘

年矣明正統丙寅金陵涪祖師建殿塑像廣置禪房其

徒慧聰請州主勒石識焉康熙癸酉德初師重興殿宇

後有定峯師於乾隆己未募裝佛相又於丙寅創西樓

辛未建東閣囑余登載焉乾隆戊寅桂月江

蘇常州府江陰縣儒學訓導趙寅蓮齋撰

資聖寺萬厯志在州北五十里南畿志宋祥符中建胡志在

橫山保俗名魚溪寺今存新纂

慈惠菴萬厯志在州北五十里元大厯中建

天成院在州北五十里康熙年僧悅慧募建有記

廣德州志 卷十四 寺觀 二十五

記云桐北郭五十里天成禪院有僧智尚者自言建平

人姓錢父良仕伯良佑髦年樂善以田地山房助悅慧

禪師為淨室而以智尚為之徒年今

五旬焚香默坐而已康熙甲午記

崇福寺在州北五十里保安山舊名保安寺南畿志在州

北唐天寶中建萬厯志天寶七年建通志唐保大七年

建案久圯明重建康熙六十年僧我先募修乾隆二十

五年僧衍吉重修有記畧云浙江富陽人李秀良傭于

年助寺遂胡志今存仍名保安寺同治間重修大殿

終老焉案保安寺建於唐為最古萬厯志云在州西六十里

與南畿志言北者異通志作保大七年與天寶相去

甚遠恐有誤郡人言今崇福寺即古保安寺也故去彼而錄此

般若菴萬厯志在州北五十里元大厯中建案菴在銀山

麓明天啟間僧海容暨完初重修又名金水菴明末燬

康熙三十九年僧南溟重修有記

明金印榮記般若菴在銀山麓固南北之通衢瓢笠所依栖也其基始於宋伏沈二姓實開闢之有開士海容者駐錫久之天啟五年有心谷完初二上人至沈伏二姓畱居之時海容老死因共募修成樓房三十餘間增置田地四十餘畝供衆云翰林院修撰韓敬奉直大夫知廣德州事黎崇宣尚寶司卿李徵儀儒學正朱輅眉州清神縣知縣李希載崇禎乙亥晉陵了夢居士卿飛金印榮撰并書趙嗣晉記聞明時有開士海容者清

廣德州志

卷十四

寺觀

二十六

修苦行心谷完初二上人克紹乃師募緣拓廓郡侯黎公侍御李公贈以克勤梵行一華五葉之額未幾為兵火焚掠樓臺鐘鼓化為灰燼今南溟禪師於康熙乙亥秋重建佛殿旋構茶亭買田濬塘改甃大路并將建普同塔以收掩暴骼可謂百廢俱興規模光大矣乃為之記康熙三十九年庚辰郡人趙嗣晉撰

圓覺菴萬厯志在州北六十里明洪武二年建

宗正菴萬厯志在州北六十里元大厯中建胡志在橫山保

俗名朱藤菴今存新纂

瑞雲菴在州北六十五里康熙三十五年建六十一年重

修有記

國朝張瑄瑞雲菴記瑞雲菴者創自康熙三十五年踞錢村之左為廣德通衢山環水遶林壑幽秀時有白雲瑞

靄覆護斯菴故名瑞雲其始由山東郭客商於此過金牛嶺於傾垣敗壁間見一佛像抱至錢村客邸謀之諸友卜地立菴使金道人守之後僧崑源於菴傍增建佛像徽商陳爾祥復捐建兩進康熙六十一年華陽張瑄記

雲門寺萬厯志在州北七十里唐天祐中重建案本名正

覺寺久廢今尚有一鐘在城中某廟勒字云大元國江

東道廣德路雲門山正覺寺僧如雲等募造順治年僧

化我即其址重修州判蔡之芳記胡志已燬今存屋五間

新纂

重建雲門寺記余按州志知桐川故多山水佳處精廬古刹星碁參錯其中而雲門寺尤峯迴澗曲迴然靈異

廣德州志

卷十四

寺觀

二十七

在城北七十里花巖之左考厥所由則始創于梁天監癸未重建于唐天祐甲子嗣是千七百餘年綿延相續稱為三寶勝地云易姓之際揭竿蠱起法座傾頽迨順治九年兵燹初息宗僧化我者始慨然以經營為已任飭舊增新蔚然改觀皆賴餘甯公暨諸善信護持力也公于二十年前由選貢任余章華縣侯時余髫齡方以弟子員試前茅補廩膳生及余倅桐公已九十餘每促膝把杯不啻綺黃再覲既而公謝世有遺命以雲門寺碑記囑余聞桐之衣冠宿咸集於北境而變革以後蕩無子遺惟公為歲寒松柏徜徉世外且雲門廢而復整足以恣公之遊虎溪而嬉晚節惜乎余羈官守未獲置身三笑圖間而莊嚴梵宇取次告成化我可不愧南國獅音矣康熙二十四年夏月署廣德州事判官今陞光祿寺典簿楚華容蔡之芳撰

黃栗菴在州北七十里近雲門寺康熙四十六年僧本如

法機募建有記又有紫荆菴永慶菴胡志今在上堡保僅

存大殿兩廊新纂

淨覺菴萬厯志在州北七十里元大厯中建胡志宋名明教

寺在西湖芥今存新纂

螺菴李志在州北七十里案菴創於崇禎八年至康熙十

一年增葺雲中官記

雲中宮螺菴碑記天地間名勝之區往往與時興廢或  
奇麗怪特之區而湮没于莽棘之中又或騷人墨客之  
所嘗表章而一旦廢為穢墟蓋亦有數存乎其間焉吾  
桐之南境多泉石之勝其北則邃壑幽洞往往如神施  
鬼設別有天地惜乎謝公之足跡未經柳子之品題不  
及無由傳於後世至如方輿所志梵林古剎號為唐宋  
以來勝地者間嘗登眺其間乃僅得頽垣敗礎于荒煙  
斷塹間往往而是亦所謂有數存焉也州治北七十里

廣德州志

卷十四

寺觀

二十八

許有螺菴者前此未見于郡志也歲甲申僧某來自羨陽實  
告其菴之始謂勝國時崇禎八年僧某來自羨陽實  
誅茅結廬于此後增築精舍迄康熙十一年復創蓮寺  
其地勢則雲壑盤互煙巒矗立四望皆山環衛周遭而  
面乎五花之巖菴名以螺者所以狀其林壑之勝也余  
性耽岑寂方謝絕剝啄携笈郊外期以來歲仲春躡屐  
懷慙以領其勝概而僧以刻期勒石固請自惟譎陋既  
不足以發川巖之美麗而亦未敢必夫是菴之興至數  
十年前視唐宋以來所謂梵林古剎者又若何也特以  
前此之數百年止狐兔獫狁所叢集之場而今且為  
之竣其宇丹其楹既已如此其屹然矣則自此以後烏  
知其不為名勝之所又焉得以其不見郡志而沒其始  
事之勤也爰因其請而書之以俟  
夫後之遊此而能傳其勝概者

廣福菴在州東十里佛德岡度女尼雍正十三年監生王

來儀為立石胡志已燬今重建新纂

案尼菴城鄉止此及指月菴故附錄之

以上佛寺

佑聖閣萬厯志在州治東跨街而成明萬厯間燬於火知

州何鳳起重建北偏有道士居案萬厯志列之祠廟後

今從楊志移此閣久廢

元妙觀舊在州治南唐建本名天慶觀貞元初年改今名

明永樂三年重建設道正司於此嘉清初判官鄒守益

以觀當文廟後徙東門外即觀址初復初書院集諸生

講學其中今廢

參南畿志一統志通志楊志

案今元妙觀在東門外

廣德州志

卷十四

寺觀

二十九

即昭妃廟址

三官廟在州治東南東嶽廟前今燬

真武廟在州治北右偏初名元冥觀萬厯志知州鍾振建

以州治面笄山火星位水神以壓之也左有三官殿右

有文昌祠亦名元明觀郡人方粟有記李志年久傾圮

國朝康熙二十二年知州門可榮修建今為真武廟五十

八年知州周在建重修案乾隆四十九年廟祝永德募

資重新山門殿宇大殿下添築石橋以通秀水里人方

兆元記胡志今燬僅存後殿新纂

案楊志謂元冥觀康熙三年僧海清募建毘盧閣靈

官殿知州楊苞改名一宿禪院李志因之考是廟未

嘗改爲佛寺楊誤也

明方粟新建元明觀碑記畧予郡治西北隅多曠原密  
邇册府庫獄傲備每加慎且治脉發自南笄勢甚亢後  
峙鮮稱里閭多火民不靜輿家謂補空斯無青越歲庚  
午春鐘侯名振號瀾石廣東合浦人由壬戌進士來蒞  
監司首屬均田出郭相方指示與往論符士民忻信子  
來畚築爲鳳凰臺復建道士宮於墉內以祀元武水神  
爲元明觀與臺相掩映焉觀之正宇雖弗宏峻其規制  
殊偉麗簷溜下環以映水直通汭川上駕石梁前湛然  
堂左右翼以三官廟文昌宮堂之前兩掖有舍曰悟眞  
所談元處令道士居之週圍繚以甃垣題其門爲元明  
觀峩若州之耆民王伋葛璜暨其子葛鏘王應科毅然  
捐附郭田二十畝助觀收租永充香火費侯改守蜀郡

廣德州志

卷十四

寺觀

三十

瀕行囑予爲記其事未幾吳侯中淮翁至名同春河南  
固始人中甲戌進士稽古咨衆汲汲以興革爲已任見  
郡之未備者亟圖之何君名仕廷皆泰和選士幕賓二峯  
名大賢三守文台何君名仕廷皆泰和選士幕賓二峯  
徐君名一本咸佐治有聲學師海峯董君名輅芝山李  
君名嘉禾龍峯周君名諸少厓李君名桂夙負士望  
勸相復初之教咸以虔祀阜下爲心夫吳侯正巳率人  
故一時寮屬皆雋傑洵罕覯之盛也均宜書明萬歷  
四年丙子季秋吉旦立嘉靖甲子貢士衡府教授致仕  
里人方粟撰文并篆額賜進士出身奉議大夫戶部山  
西司郎中郡人甯珂書丹  
國朝周在建重修眞武廟碑記案五方之位南爲火北爲  
水八卦之位火麗于離水麗于坎其在四旁則朱雀元  
武有相配之功其在司命則祝融眞武有各專之權故  
郡縣之內必祀元帝此五行之正位三才之定理也廣  
德爲江南雄州昔之元妙觀在儒學之後位居巽隅自  
前代成化間莆田周公翠渠來守是拜則遷之城北位  
殿宇于雉堞之間以三公峯樓在州治之南其象爲火形

勢太高故元武一殿不容卑隘取其相制也亦相配也

簡命得蒞茲土下車之後來謁神廟相其方隅雖合而廟

貌不整心怍怍焉其未甯也延及丁酉州治之左祝融

肆虐矣越明年州治之右祝融又肆虐矣余急為追咎

曰水星不顯之故也率僚屬集紳士入廟周視見其殿

庭雖聳而危樓塞其前闕畧偏于右入門則難言軒爽

登堂則不見莊嚴改造之舉不容緩也因為多方縮齋

佐以薄俸得若干金訪郡之耆宿得陳子時祥者老成

正直敦請督工凡一切修葺聽其商酌耆民四人韋文

發許日雲臻方書升王錫恩分任勤勞不半年而工竣落

成之閣開敞而傾塞者改觀矣殿之右則補以文昌宮殿

樓閣則改為三元宮客廳則位於樓之左僚舍則位於

之左後大門改人居巽位餘屋為市廛一切位置得宜

眉目清爽不惟人心稱快即神靈亦妥侑矣又何水火

之不相濟哉住持道士又進而請曰廟有瘠田數十畝

地遠而荒不惟無利亦且多累以多易少以瘠易腴為

廣德州志

卷十四

寺觀

將來守廟之計訪得其實遂從所請置秧田十一畝一分坐落梅花保草場圩地方計其租谷可食一二人亦可以善後矣因序重修之由并書於石以示廟祝使世守焉時康熙五十八年己亥仲冬月奉政大夫知江南直隸廣德州事加一級紀錄一次周在建撰

昭德宮明一統志在州西五里唐名張君祠宋賜今額案

即祠山廟也元有趙孟頫疏明永樂二十一年羅坤泰

御製詩碑稱昭德宮提點臣希謂盛希年也志已燬今

重建新纂

迎仙道院萬厯志在州治西五里昭德宮之東宋淳祐間

建



昇平道院南畿志在州治南平頂山案院久廢獨存元聖宮康熙五十三年僧智明修有記

平頂山元聖宮序桐郡南多勝地自太首靈山白馬龍潭諸山外平頂其最著者昇平道院係先朝所建雖道流絕跡元聖殿尚存衆檀每逢上己奉祀勿替菴僧智明與其徒迪山恐後嗣之不繼也將捐助姓氏并山場田地勒石記之  
康熙甲午孟夏

石巔真武廟萬厯志州南二十五里土名石巔舊有茶亭無帝廟萬厯十五年齊雲道士持真武像募緣至此遺之而去居停主人爲張之茶亭神著顯靈祀之者咸得福田利益而祈嗣尤驗二十五年州庠生濮陽榛偕兄

廣德州志

卷十四

寺觀

三十二

棘捐地釀金構廟五楹奉帝像居之約庠友春時作神會歲以爲常案州西南七十五里又有真武菴胡志今存

新纂

呂祖祠萬厯志在州東東亭湖南岸胡志嘉慶十二年載在

祀典春秋致祭裕志

蒼仙祠萬厯志在州東羲蒼山中祠後有蟬蛻關

花祖祠萬厯志在州東東亭湖南一里呂花二仙俱有神應

案花祖不知何神觀其與呂祖同稱則亦道流也右

四祠皆仙道萬厯志列之廟祠非也今移此  
以上道觀

以上胡志案州中寺觀自咸豐未被兵後有重建者  
亦有僅存者俱載明注新纂別之餘俱被燬或無考  
以下新增

關廟在州東南四十里城塢保

高廟在州東南五十里分流保

韓家廟在州東南六十里乾隆二十八年建

仙神寺在州南九十里獅堂保

廣德州志

卷十四

寺觀

三十三

陽太保殿在州南五十里栢塾保馬鞍山

秀水菴卽陰太保殿在州南八十里長豐楊柳保

小靈菴在州東南二十五里盧陳保

曇翠菴在桃花山西康熙十四年建

高山菴在州南九十五里董村保嘉慶十三年建

曇花菴在州南五十五里栢塾保赤壁冲嘉慶年建

太陽菴在州東南三十里盧陳保

石佛菴在州東南三十里方岡保

西蓮菴在州東南四十里城塢保

吉祥菴在州東南五十里圩鋪保石母嶺

鷹嘴菴在州東南五十里石溪保烏石山

以上新纂據採訪冊

右本州寺觀

開法寺南畿志在建平縣治東南梁建宋太平興國中賜額今僧會司在焉明一統志洪武中重建楊志墻垣民侵成路知州楊苞清理捐修如舊縣志正殿久燬雍正七年僧了悟重建華嚴禪院僧燦文增建大士閣案正殿燬於康熙己丑至乾隆七年劉令育杰始勸捐修今

廣德州志

卷十四

寺觀

三十四

五十二年始成前後計費萬金矣

案此寺建於梁世於建平爲最古楊志但言修墻縣志祇云燬殿通志曰城內李志曰治左皆失之太畧今爲參考餘則稍存其說可耳

存眞菴李志縣治東洪武中重修

地藏殿李志縣治西

案縣志祠廟殿以名類相從楊李志因之不知其爲神爲道釋也然如地藏泗洲灼知其爲釋三清灼知其爲道故三者移載寺觀

丁雲寺楊志縣東二十里

甘露寺李志縣東門外

覺海菴楊志縣東二十五里

杯度菴李志縣東三十五里

施水菴縣東四十里

雙栢菴縣東南五里又有法雲菴

萬壽菴縣東南十五里

本覺菴縣東南二十里

梵王寺通志縣東南二十五里楊志此下有興覺寺胡志梵

廣德州志

卷十四

寺觀

三十五

王寺已燬重建

新纂

徐村菴縣東南三十里

靜安寺通志縣東北二十五里縣志僧永修悟如重建

清涼菴李志縣東北二十五里

東保菴縣東北三十里

望雲菴李志縣東北三十里

龍會寺縣東北四十里胡志今存重修新纂

刹海菴縣東北四十五里

大忠寺南畿志在縣東北唐貞觀中建

案此寺唐初所建楊志僅列其名於壽昌後李志縣志但言在縣東北通志因闕而不載縣志又訛作大中寺

鎮山菴縣南五里

松林菴縣南五里

妙音菴縣南十里

永嗣菴縣南二十里又有準提菴

老松菴縣南二十五里

接待寺縣南四十里乾隆十九年僧明蓮重修大殿

廣德州志

卷十四

寺觀

三十六

興教寺縣南四十五里縣志名雨花寺

普渡菴縣南四十五里

邵冲菴縣南六十里

般若菴縣南六十里

慈濟菴縣南六十里

青正菴縣南七十里

塔山菴縣南八十里

高塘菴縣南八十里

碧泉菴縣南八十里

靜覺菴縣南八十里

泗洲殿明一統志縣南八十里唐有泗洲大聖殿顯靈於

此因立廟焉歲旱禱雨輒應胡志已燬重建新纂

案楊志仙釋載泗洲僧伽大師唐高宗時從西國來

長安洛陽托鉢吳楚間手執楊枝世謂觀音化身中

宗迎住薦福寺三年示寂常經建平後顯靈於巖山

居民遂建泗洲大師殿奉之水旱祈禱有應考巖山

在縣東四十里則此又其別殿也縣南十五里又有

泗洲廟

廣德州志

卷十四

寺觀

三十七

妙喜菴縣西三里

田村菴縣西十五里

永甯菴縣西十五里胡志已燬重建

回龍菴縣西二十里

觀音菴縣志縣西二十里

澗西菴縣志縣西三十里

普明菴縣西三十里

寶光寺南畿志在縣西梁大同間建通志縣西南三十里

案寺本名桂林宋改寶光明萬曆間重修李得陽記

乾隆五十八年僧泰際等募修議復桂林舊額志已

### 燬今重建

明李得陽寶光寺重修佛殿記余閱舊記梁大同八年  
敕置桂林寺宋至道二年敕改額為寶光寺歷年興廢  
不一萬歷甲午居人王恢等倡修佛殿二年  
工就屬余敘之萬歷二十五年丁酉夏日

禪墩菴縣西南三十里

明覺菴縣西南三十里志已燬同治七年重建新

東塘寺縣西南五十里志已燬今重建新

寶林寺縣西南六十里志已燬今重建新

壽昌寺南畿志在縣北宋天聖中建通志縣北三十里一

### 廣德州志

#### 卷十四

寺觀

三十八

名雙柏寺志已燬今重建三間新

鎖山菴縣北三十五里李志又有太清菴古太清坊普濟

菴古塔基永恩菴宗瑛建皆不詳其處志已燬今重建

新纂

冥陽菴縣北三十里

牟村菴縣西北三十里

萬松菴縣西北三十里

珠子菴縣北三十里

以上佛寺

存眞道院南畿志在縣治東北唐貞觀中建明洪武中重建內有道會司李志雍正八年重修

白鶴觀南畿志在縣西唐貞觀中建明洪武初重建楊志康熙三十年重修有碑

越城觀通志縣西北二十里

陽春觀通志縣北二十里

三清殿楊志縣東城隍廟左胡志已燬同治五年重建新纂

以上道觀

以上胡志案建平寺觀自咸豐末被兵後有重建者

廣德州志

卷十四

寺觀

三十九

俱載明注新纂別之

右建平寺觀



